

八瓊室金石補正

八瓊室金石補正卷二十八

太倉陸增祥撰

男 繼輝校錄

吳興劉承幹覆校

隋五

龍門成都募人造象記

高四寸五分廣五寸五分九行  
行七字字徑四分正書在洛陽

蜀郡成都縣募人

□□□□子贊□□興□□□□

□母兄弟曰□□早還相見造觀音像一軀□及六道

眾生同沾斯福 大業十二年四月廿五日

劉氏龍門造象錄列隋刻三種余所得者僅此耳

孫氏訪碑錄作李子贊造像劉氏同審之子上一  
字已泐頗似弟字姑從其闕其作十一年則非也  
劉氏所錄一爲開皇十五年裴慈明造象孫氏作  
裴悲明一爲大業十二年興泰縣梁伯仁造像孫  
氏作十三年作泰興未知孰是附識之

左禦衛長史宋永貴墓誌

方一尺七寸九分三十四行行三十  
四字字徑五分正書方界格在長安

隋故左禦衛府長史通議大夫宋君墓誌銘

君諱永貴字道生西河郡人也處以敬敷五教錫茅土  
而封商湯以來積八遷從先王而居亳洪源括地與懸

米爭深高峯極天共雲邱比峻時稱冠挨世挺民英楚  
客多才周賓在位昌則參謀代邳夜拜九卿弘迺燮輔  
中興職登三事箕裘必繼堂構莫斷烏弈連華衣纓累  
叢曾祖丞棄干郡守恒州刺史祖業河州刺史塞帷作  
牧兮竹出守布政有感則穉麥興哥遺愛在民則甘棠  
勿翦父暉使持節車騎大將軍儀同三司鄉伯大夫萬  
季縣開國子持節假奉使之威將軍實爪牙是任苴茅  
土而開國均儀服於台堦光覆五宗貴延百查君擢幹  
芳苑耀質驪淵稟庭訓而知言奉家聲而立德風神閑  
雅播自齡年書劔明能聞諸學歲既而振纓來仕解褐

登朝以周天和四季出身授歿衮將軍強弩司馬大象  
元季任右宮伯右侍散二命士二季遷大駟都下士力  
堪引強威能歿衮雖非右職允此嘉名所奉二君應應  
四選既仕不擇時官未爲達曠大才於高位沉英俊於  
下僚周德之衰所由來矣及

皇基肇創神武膺期則括自天官人有叙開皇六年引  
授殿內將軍九年 詔授蒲坂縣開國子其年加授儀  
同三司出爲蕃禾鎮將殿內則出入卧內儀同則具擬  
台司將軍朝廷之虎臣鎮將京畿之虎落出撫則旂旄  
疊映入侍乃環珮交暉十四年蒙授豫州長史十七季

詔授觀州司馬大業三年改授慶州司馬曩選朝請大夫漢川贊治贊邦佐治自郡選州慈惠以撫細民溫恭而待國士示賒以儉糾猛以寬煦之以春陽威之以秋霜潤洽傍隄時稱善政五年入爲左御衛長史三軍務重六衛爲最摠管營校兼臨卒伍教戰勿失閱武以時八年天子親臨邊境問罪燕郊分命方升長駟被練四綱周設一藪而摧以勲進授通議大夫長史如故十年從 駕北巡言經朔野不幸搆疾終於樓煩郡春秋五十有四君少而沉慙長而宏深英猛冠時清華映世堤封峻而不測壙宇高而莫窺自國自家至誠

至孝可畏可愛爲政爲德清白以遺子弟澹雅以交友  
躬入其室者爵若芝蘭之芳與其遊者自染未藍之色  
應官兩伐從宦十選在軍在國之容允武允文之藝出  
臨九縣九則民吏扇其風入佐六軍則貔虎資其略何  
常不竭誠盡義虔奉愚章謹躡勞謙以全名節九德備  
舉百行無虧可謂令問令望有始有卒者矣以大業十  
二年歲次丙子十一月癸丑朔廿一日癸酉歸葬於京  
兆郡長安縣龍首鄉之山柏庭遐阻蒿里幽深九原無  
可作之期千季絕見日之義人間易遠身世難追歲月  
不居山河莫願世□臣節酷此茹荼崩心泣血風樹之

感萬古踰深霜露之悲百身弥切庶傳盛德敬勒泉隅

文曰

天降元鳥神呈白狼佐禹惟鹵華夏伊商

極天峻峙控地靈長或升或降且公且王有客有客俾  
建其侯祚于宋作賓于周禮樂尙在英靈可求郢都  
賞賦代國申謀爰泉迺祖褰帷出撫奔世載德重規疊  
矩顯孝標秀揚庭接武服衮儀司苴茅開宇惟君薦生  
惟民之英松栢在性金石有聲先諧文武藉甚公卿表  
光內潤入孝出誠妙季筮仕飛纓即政爲臣擇君去危  
歸聖飾像三台官成四命行標世範德流民詠昊天不  
愁折桂銷芳泉幽燧古風悲樹涼寒來暑謝地人天長



遺德不朽斯文永載

右宋永貴墓誌據補訪碑錄謂在長安永貴及其  
曾祖祖父史皆無傳曾祖丞棗干郡守祖業河州  
刺史父暉鄉伯大夫棗干郡歷代所無即桑乾也  
隋書地理志善陽注云又有後魏桑乾郡丞蓋仕  
於魏者柁罕郡舊置河州大業初置郡業判河州  
亦在魏時永貴歷官初授殄寇將軍強弩司馬權  
右宮伯右侍散二命士遷大駟都下士入隋授殿  
內將軍蒲坂縣開國子加儀同三司出爲蕃禾鎮  
將歷稜州長史觀慶二州司馬累遷朝請大夫入

爲左禦衛長史進通議大夫從駕北巡卒於樓煩  
郡蒲坂蕃禾婺觀慶等州皆隋書地理志所無按  
蒲坂即隋之河東舊曰蒲坂縣置河東郡開皇初  
郡廢十六年析置河東縣大業初置河東郡併蒲  
坂入焉永貴於開皇九年封蒲坂子時未併省且  
未析置河東縣故有蒲坂也蕃禾即番和後魏置  
番和郡後周郡廢置鎮開皇中爲縣永貴爲鎮將  
時未改縣也番和亦作番禾見晉書禾者和也故  
禾和可通番蕃亦古通左氏傳襄四年注曾國番  
縣東南釋文云番本作蕃禮明堂位黃馬蕃鬣釋

文云蕃本作番書洪範庶草蕃蕪古文尙書作番  
漢無極山碑番茂隆白石神君碑永永番昌皆  
即蕃字婺州即隋之東陽郡平陳置婺州大業初  
置東陽郡永貴爲長史在九年平陳之後大業改  
郡之前故稱婺州也觀州即隋之東光開皇九年  
置觀州大業初州廢永貴爲司馬在十七年置州  
已歷八載尙在大業廢州之前故稱觀州也慶州  
即隋之去化郡開皇十六年置慶州大業初置郡  
永貴爲司馬在大業三年知改郡在三年以後故  
尙稱慶州也樓煩郡大業四年置鄉伯大夫殄寇

將軍強弩司馬右宮伯右侍散二命士大尉都下  
士皆周官吏不備詳得此志可略知北周官名之  
遺也攷後周左右宮伯爲軍衛之官左右衛大將  
軍之屬右侍散無聞焉內命上士三命中士再命  
下士一命外命子男之孤卿侯伯之大夫公之上  
士二命此所云二命士者疑是中士內命也殄寇  
將軍強弩司馬正二命餘無攷證駢字未詳左禦  
衛大業初置煬帝即位改領軍爲左右屯衛加置  
左右禦文云八年天子親臨遼隧十年從駕北巡  
按帝紀八年正月分左右各十二軍大征高麗二

月車駕度遼大戰于東岸擊賊破之進圍遼東志  
所稱一穀而摧者當即東岸之捷也十年三月行  
幸涿郡次臨渝宮親御戎服禱祭疊鼓四月次北  
平七月次懷遠鎮高麗遣使請降志所稱言經朔  
野者此也書體多用古字契作离歌作哥旌作旌  
敏作慙窺作窺皆是累本作紮此作彘網本作網  
此作網亦不悖於古奢作賒古通後漢書王充王  
符仲長統論注云賒奢同齷作蹠字同見正字通  
廣韻齷廉謹貌此云謹蹠勞謙正其義一穀而摧  
穀即穀之異文見說文日光赤也一穀猶言一旦

也其義甚古惟慤作愁爲俗耳至擇作擇樓作棲  
宦作宦間作間之類皆寫刊之訛又朱藍之朱誤  
作未九則民吏扇其風多一九字

### 龍華碑

高存四尺四寸廣二尺四寸廿七行行存五十字字  
徑七分又題名小字一行正書方界格篆額題奉爲  
高祖文皇帝敬造  
龍華碑十二字

蓋以軋元資始掛元保於穹隆坤德肇初列品物於磅  
礪至於性靈殊異致趣不同爨所託以立心攬所依而  
建性是以鱗潛翼□關談意欲濟於蒼生終不成於大  
造言之者衆可不然歟豈若塚号大千尙云炎火之宅

法稱不二自成真諦之門濟黔首於塵籠拔關拾芥似

澄水之盪月影若明鏡之寫人形是曰無常之津成爲

去留之境三灾之火熒歸疑之天宮四大之風飄崔嵬

之魔舍北臺關澗成岑燕童於是長嗟宣尼所以興歎

至若鹿野高談窮方等之淵府鷲山曠說極波若之深

源飛樓涌塔之奇納海藏山之異法關變色鳥獸迴音

望八珎之分身紛興殿閣則四衢之寶塔鬱起臺堂剎

土成緣法基常住若夫剝終龍戰俱馳逐鹿之心道寧

驂傷關鼎落月搖星豈能敷聖教於華間布至公於夷

外者也自元麻有歸將移周紀時唯多難政乃私門氣

混陰陽光騁日月經道埃儒

闕

天啓聖膺岳嶽錄於千年

下庶獲安仰敬風於万古降茲明命用集我大隋

高祖文皇帝捐讓受終理形統象下協兆民之欲傍謹  
萬國之情位重青蒲尊居紫極雖復機有万事偏注三  
乘鑿開停修伽藍是

闕者歟

皇帝軋象降籥坤極樞神徂武修文乃停甘口之指干  
戈載戢自息歧陽之蒐望袂昇柴展先古之盛禮泥金  
尊玉尋絕代之遺蹤

闕

華塔者地則故龍華道場之墟

其內先有古基未及功就屬天迴地轉柱折維傾各棄  
真門俱憑戎旅變迴法殿化起俗堂常住之

闕

其人也



弟晉王府記室叅軍師並英資誕絕凝秀才愍門風盛  
於史冊德行著於鄉閭二驥二龍誰能擬德難兄難弟  
復見今談加闕稱首可謂元功是得助茲柴業磬意竭  
心同植來日俱脩後果復以仁壽二年邑

嘉闕僧闕思闕思闕景闕縷闕蟬闕聰闕冠闕冤闕故

能窮心法路喜捨無遠竟挺直心爭後勝業至於圓珠  
方石紫玉黃銀並竭資生窮於隨喜同至塔所營其故  
基苦闕徵珠合浦故得光華照地峻極巧天鬱律臨霄  
層巖瞰漢既弊爵於日月亦掩暎於煙霞空無沼而蓮  
開迥無林而花發鸞廻麟頤闕音玉砌珠簾明月照而

增朗謨神託異似含衛之飛來叅妙擬靈等香山之涌  
出豈真堂稱七寶獨律煜於殊方殿号五香孤撻輝

闕

詎侍仙人是知伽藍菴所僧鶻故趾閑遠淨居蕭道脉  
地花開千葉紛生八味之間香泛六銖馥滿九層之上  
東臨大液望鬱鬱之闕波今古華塢陳之典冊銀青光  
祿大夫北海郡大守闡榮冠盖高門鍾鼎華袂擅風雲  
之氣苞川岳之靈勲乃積効邱山望則光華

闕

□蒲鞭

之耻取信竹馬之期故能爲法路棟樑朝端襟帶朝請  
大夫賚治崔伯友博昌縣令竇隋原起天崖若龍門之  
下法根深地

闕

□賚六條恒聞鼓腹之士風宣百里每

有擊壤之民加之心託一乘情生五淨歎三災之無定  
愍八苦之輪迴津樑愛川牽登彼岸

闕

趙鐵正赫連師

亮甄相顛等隆門世伐苞括山河袞望高華連橫海岳  
俱懷逸世各檀不群特擬百行毗宏一邑故友欽其久  
敬朝

闕

元門體依真寤既通悟於正道之妙鮮於真空

槃固法基功參景業濟之爲汪之爲可略而談矣至於  
邑壤墮落連續相望霧起煙

闕

之妙砌散玉光之潤樓

生香氣之煙若夫功成不朽道濟無間顯著當今連延  
後代若非金石何以記焉仰止高山乃爲銘曰

肇判清濁屢初生民君長雖樹政教無聞去流幻化生

死迴輪含冰蹈火懷炭履塵俱寢長夜誰閑法相雖忻  
桂室終悲松悵炎宅闕弘窮塞拔濟塵泥遇神惟慕見  
醒思齊法城襟帶黔庶樑梯構此神基建茲靈塔闕霓  
秀峙花層重沓蒼龍起卧紅蓮開合雲霄膠闕仙曲艷  
動天衣丐嗟多士法路斯歸我皇臨宇據盂握鏡玉燭  
和節瓊璣調政煙氣雲來呈光月映四海承休三輝表  
慶真風已闕起道場煙集惟彼蕃守宏體至公名兼  
共治慰庶楊風民和礼就道備真通記之金石永播無  
窮

比邱□□

比邱□□□□

□僧□□□□□男君

信□□□□□耶□□□□□君□ 維那□寶妻□妃

男子休男同休妻劉好浚男士通維那□□□□□

□維那劉貴興妻仇女子伶

闕

比邱僧□□□□□□□ 維那□□□□□靜暉

□□□□□□□□□□□□妻周□

下截斷闕以銘詞八句一韻計之行缺廿三字碑

首無題篆額完好知爲龍華碑也文云 缺 華塔者

地則故龍華道場之墟又知爲龍華塔也文有大

隋高祖文皇帝字又知碑立於大業間也吳氏筠

清館收有是碑不言所在按集古錄目隋龍華淨

圖碑不著書撰人名氏趙郡范氏等共造浮圖以  
開皇七年立和平棘縣平棘宋隸河北西路慶源  
府今趙州地此固別一碑而龍華塔之在平棘已  
有明證碑疑在趙州矣又按集古錄目復有後齊  
龍華寺浮圖碑維荆劉顯等於雙井村共造龍華  
浮圖一區碑以武定元年立不詳所在其尙有一  
龍華塔邪以北海太守博昌縣令言之或在青州  
亦未可定造塔人姓氏正在缺處但知其弟名師  
耳碑立於大業署銜稱晉王府記室參軍晉王即  
煬帝蓋是前此之官職也碑多借字道稟麟傷鷺

迴麟願以麟爲麟壁關停修博雅堂堽壁也一日  
堂基也六書統泮近也此用爲殿漢周公禮殿記  
脩舊築周公禮壁堽廟碑敬脩宗壁碑蓋本此同  
稹米回以稹爲植喜捨無遠遠字字書所無蓋即  
遴字遴變爲莛再變爲菱三變爲麦漢羊竇道碑  
南安趙孟駿駿即麟字北海相景君碑郝邦歸向  
郝邦即鄰邦字碑陰張駿字臺卿駿即麟字是其  
左證易以往吝說文引作遴漢書魯恭王傳晚節  
遴惟恐不足于財地理志潁川民貪遴爭訟皆以  
遴爲吝遴行難也碑亦借作吝孤擻輝擻集韻與

擻同擊也此用爲曠今古華塢邑壤塢落塢集韻  
沙堆一曰墓也此用爲區一引窮塞引同引漢陳  
球碑引衆而遁亦如此作璜璣調政璜見龍龕音  
田又音佃不詳其義據此碑乃璇之異文也至俗  
譌之體如熒作癸斛作研敷作敷坑作塢挺作挺  
挺旅作揆崇作崇从宋砌作砌从下甄作甄族作  
族燭作燭者不一而足魔舍魔字字書所無疑即  
廣字避煬帝諱改寫或云魔之俗變逐鹿作逐幾  
與遂字相溷遂本作遂古文遯字也各檀不群檀  
作檀終悲松悵帳作悵六朝人偏旁手木混淆从



巾之字每變从心耳其餘隨意增損不復具舉口  
贊六祿贊上所缺似俱用爲具又似祺義均不憚  
真風已□已下所缺似繼闡氏見姓苑統譜不載  
一人此北海太守闡榮可補其闕

姑臧太守成公君誌蓋

方一尺許左缺四行行四  
字字徑二寸六分正書

大隋同州襍同姑藏郡太守成公□□誌銘

右誌蓋存銘佚碑題同州當在關中出土姑臧作  
藏古無藏字此乃以藏爲臧也成公雙姓二字併  
寫

通議大夫宋君誌蓋

方九寸三行行三字字  
徑二寸五分篆書陽文

隋故通議大夫宋君誌

李靖上西嶽文

無年月明人刻  
萃編載卷四十

若三問不對問誤

又藤縣本

文不  
重錄

紹興丙寅秋七月右朝請郎知軍州事施珪重立

衛公始困於貧賤因過華山廟訴於神且請告以仕

宦所至辭色抗厲觀者異之悚立良久乃去出廟門

百許步聞後有大聲曰李僕射好去顧不見人後竟

至端揆

劉傑隋  
唐嘉話

王侯將相時至則居之雖豪傑之士不能預信於平  
日也劉季起沛上衆推擇可爲沛令者蕭曹等皆文  
吏自愛恐事不就盡讓季當其時安能必後之相季  
封鄴平陽哉劉伯溫羈管紹興感憤至欲自殺又嘗  
爲石抹宜孫所用初未有佐命之思而或謂其在西  
湖望見雲物曰後十年有帝者出吾當佐之殆妄也  
世傳李衛公未遇爲文告西嶽神意在取天下次則  
擇主而仕若微時預以帝王自許者然考之史衛公  
初仕隋爲殿內直長尋爲馬邑丞唐高祖擊突厥衛

公察其有非常志乃自鎖上急變新舊唐書所載略  
同可謂不知天命之尤者亦安得於未遇時逆知爲  
唐佐命出入將相乎其事雖見李肇國史補而告文  
不知何人所作其云斬大王之頭焚其廟宇此豈衛  
公之言昧者從而刻之石案歐陽趙氏所錄皆無之  
蓋後代作僞者爲之真妄男子也

曝書亭集

右碑在藤縣廡中廊露赤雅云刻於句漏又云真蹟  
用黃絹書上半元時燬於火後半餘四十字入雲輿  
娘家露言多不足據相傳此碑搨之令輒不利以是  
禁不敢搨惟於令交替時多具紙墨搨之雖俗忌可

笑然碑賴以久存

廣西通志

鎮西大將軍等造象殘字

高七寸六分廣四寸五分存四行  
行字不一正書在洛陽存古閣

鎮西大將軍開府儀同三司前

昌陽縣開國侯相縣開國子

鎮南將軍河南太守當郡都督

鎮東將軍洛陽太守□

右鎮西大將軍造象殘字拓本前有半佛龕故知  
爲造象之刻筆意古樸具有隸法是南北朝物碑  
有河南太守之稱案魏晉皆爲河南尹後魏同東

魏置洛州刺史後周置洛州總管隋初爲洛州刺史復爲河南內史大業初爲荊河州刺史又爲河南太守尋爲河南尹然則此刻當在大業間也列隋末昌陽縣隋屬東萊郡

張遂造象題字

刻佛座高一寸三分廣三寸七分五行行二字字徑六分正書

藥王藥上菩薩弟子張遂

補訪碑錄列於隋代從之

劉珍秉等造經像頌

高六尺三分廣二尺七寸上截高一尺六寸十九行行十五字下截人列列廿四行行字不等額六行行

五字末行一  
字並正書

夫駕應騰天動慈雲如注法□六道有緣荷恩領淨於  
是感息刑運泯軀淨土佛去遑遑衆生桮或自不慧鑒  
聖□識知遠趣者 今此大頌主劉珍秉大□心主張  
曇偉大都維那張□敬大都維那張由大都維那王遵  
義□二百人等所謂論其姓美望重天□懷真□出□  
或流而起行各捨□王人袖上寶敬造經律一區欲使  
舍利□□石之文更顯願今善力使因祚世□師僧  
獲蓋父母家恩眷屬並受天福一切衆生齊登彼圻  
乃爲頌曰 此下並後一行  
均磨泐不可辨

駕渠龍威振動慈雲□□六趣旋及滄津所作已辨書

夜无言 信向之士聞經造行捨財若土不惜身命

未來成佛道登究竟 功德既□善力實資師 徇父母

眷屬同之普及六道彼坼爲期

大都主張興祖此刻在序前  
一行之下半

大化主張□攀此刻在頌後  
以上上截

大都維那徐周如 大都維那張 九周 大都維那張

□周 都維那張□□ 維那翟洪明 維那徐元□

維那 張□周 □那 張卍生 □那 □□□ 維那

張思伯 維那□□□ 維那徐□□ 維那趙□□



維那□張大 維那張生邵 維那徐□□ 維那

張思□ 維那□□□□ 那□□昌 維那張興□

維那張□□ 維那張□□ 維那張 嗣明 維那

張之賓以上弟 都邑主王洪□ 維那□□□ 維

那張□□ 維那□□□ 維那張暈賓 維那□元

達 維那馬孝 維那王明□ 維那張□□ 邑子

閻僧平 邑子□□□□ 邑子張廣□ 邑子□天息

邑子張起龍 邑子張伯生 邑子□金□ 邑子

□□遠 邑子龐劣昧 □子□□敬 邑子□□□

邑□□□□ 邑子□□方 邑子□惠遵 邑子

龐□□

以上弟  
二列

維那□□□

邑子張□

邑子孟

□達

邑子徐□□

邑子□□□

邑子□□□

邑子□□□

邑子□□□

邑子□□□

邑子□□□

□□

□子□子□

邑子張□□

邑子□□□伏

邑子□□□

邑子張□□

邑子□□□周

邑子□□□

□□

邑子□□□

邑子□□□

邑子□□□

邑子□□□

□□□□□

□□孟子□

邑子桂

□世

邑子闕□膾

以上弟  
三列

邑子張要顯

邑子徐

珍稷

邑子□□□

邑子和子尙

邑子張子紹

邑子徐國子

邑子張□序

邑子尹□善

邑子□

□□ 邑子□□□□ 邑子闕子□ 邑子□□□□

邑子□□□□ 邑子□□□□ 邑子張□□ 邑子王

□□ 邑子□□□□ 邑子張□□ □子張□□

邑子張滄 邑士王子賢 邑子□文□ 邑子□那

由 邑子□□□□以上弟四列 維□□□□ 維那□子

□ 維□□□□ 維那□奉先 維那張迴洛 邑

子張□□ 邑子張方達 邑子張伯同 邑子□□

□ 邑子□□□□ 邑子張子雲 邑子張紫□後空州行

邑子李□□ 邑子龐承 邑子龐□ 邑子王□

達 邑子龐思進 邑子□□□□後空五列 維□□

□□ 維□馬イ□ 維那張姿容 維那閻清 維

那閻伯女 維那執醜 維那雇飢 維那□孟容

維那王女姬 維那張香 維那王華珠 邑子伊陽

仁 邑子張□姬 邑子徐瑋 邑子□妃 邑子張

□ 邑子徐玉 邑子張綠 邑子賀嬌洛 邑子張

清 邑子張靜妃 邑子張貴姜 邑子張外妃 後空以

上弟六列 維那張□姿 邑子王黃思 邑子蕭敬容

邑子谷外姜 邑子趙□姜 邑子張琉璃 邑子張

詳恰 邑子戴娥女 空二行 邑子王纓珞 邑子□女

姪 後空三行 齋主比邱僧始 齋主比邱靜振 後空以

維那張羅善

後空 以上弟人  
列 以上下截

袁王張伏德

經主劉光武

像主龐思遠

菩薩主

張肱

菩薩主張琳周

此刻在  
額上

右劉珍秉等造經象頌碑不詳所在碑無年月審

其文字必是唐以前所刻因列於南北朝之末碑

文首句有脫誤字多別體惠疑即慧字慧用爲惠

此又加一耳刑形之借或惑之古字坼岸之借寘

即寘之俗娥當即織字之借餘不悉舉

蓮花洞造像四十六段

俱正書在長清  
五峯山蓮花洞

沙門眞行題字

高八寸廣二寸  
二行字徑六分

沙門真行爲師僧敬造大像一壚小一壚供養

圓相圓光題字

高四寸廣五寸五行字徑七分許

圓相上爲師□敬造像供養圓光上爲師僧父母造像

供養

弟一上字添刻於旁

尼圓相題字

高六寸八分廣一寸一行字徑六分

比丘尼圓相供養

尼圓□題字

高七寸五分廣二寸二行字行六分

比丘尼圓□爲師僧父母敬造像兩壚供養

吳氏筠清館作圓相

張元幹題字

高六寸廣四寸五分  
分三行字徑七分

像主張元幹妻□福敬造供養

明德題字

高四寸廣三寸  
二行字徑八分

明德敬造像供養

敬字添刻於旁

傅年題字

高二寸五分廣二寸  
二行字徑六分許

傅年敬供養

吳氏作傅年首行疑有失拓

唐士良題字

高七寸廣一寸一分  
分一行字徑七分

唐士良敬造供養

田國相題字 高七寸廣一寸三分一行字徑八分

田國相敬造供養

僧誕題字

高六寸一分廣一寸二分一行字徑六分

比丘僧誕敬造供養

李師題字

高七寸廣一寸五分一行字徑七分

上黨李師敬□

尼意尙惠登題字

高九寸廣五寸三分四行字徑六分

比丘尼意尙比丘尼惠登普□供養

末三字橫列

趙法念題字

高六寸五分廣一寸一分一行字徑六分



趙祛念敬供造養

吳氏作法念趙當即趙造供二字誤倒

石貴妃題字

高七寸廣一寸四分  
一行字徑六分

石貴妃敬造供養

李大弁題字

高七寸五分廣一寸  
一行字徑五分許

李大弁敬造供養

吳氏作大并非

周宏略題字

高七寸廣一寸二分  
一行字徑六分

周宏略□造供養

陳智珉題字

高六寸五分廣一寸  
一行字徑五分

陳智珉敬供養

波提尙題字

高八寸五分廣一寸三分一行字徑七分

波揚尙敬造供養

成石尙題字二段

高八寸廣一寸二分一行字徑八分

像成石尙敬造供養

像成石尙敬造供養

文字尺寸並與前同微參差耳

智愕尙殘刻

高四寸廣一寸二分一行字徑六分

智愕尙□

和尙稱尙上三段並同

崔稱婆題字

高五寸廣一寸二分一行字徑六分

崔稱婆供

稱當即稱或是禰字以禰爲媯

鍾宏貴題字

高七寸廣一寸  
一行字行五分

鍾宏貴敬造供養

李乾緒題字

高七寸五分廣一寸  
二分字行七分

李乾緒敬供養

妻張題字

高六寸五分廣一寸  
一行字行六分

妻張敬造供養

疑即在前刻下方

宗尼題字

高七寸廣一寸三分  
一行字行八分

宗臣敬造供養

張勝兒題字

高七寸廣一寸二  
一行字徑七分

大女張勝兒供養

吳氏作天女非

尼狄題字

高七寸五分廣一  
寸一行字徑七分

比邱尼狄敬造供養

吳氏作尼孩

尼真義題字

高七寸廣一寸  
一行字徑六分

比邱尼真義敬造

尼法明題字

高七寸五分廣一  
寸一行字徑六分

比邱尼法明敬造供養

尼四主題字二段

比邱尼四主敬造供養

高七寸廣一寸  
一行字徑六分

比邱尼四主敬造供養

高八寸廣一寸二分  
一行字徑七分

吳氏作四玉非

尼責義題字

高八寸廣一寸  
一行字徑六分

比邱尼責義敬造供養

吳氏作真義

尼真際題字

高七寸廣一寸  
一行字徑六分

比邱尼真際敬造供養

尼陰光題字

高七寸廣一寸一分一行字徑六分

比邱尼陰光供養

吳氏作際光非

尼真遇題字

高一寸廣一寸一分一行字徑七分

比邱尼真遇敬供養

東方題字

高七寸八分廣一寸一分一行字徑六分

清信女東方爲夫敬造

傅佰生題字

高六寸五分廣一寸二分一行字徑七分

傅佰生敬造供養

傅躬傅四題字

高九寸廣一寸二分一行字徑七分

傅躬敬養傳四敬供養

躬即躬字

矯德充題字

高七寸廣一寸  
一行字徑七分

矯德充敬造供養

矯當即僑字

政脩題字

高五寸廣一寸  
一行字徑六分

政脩敬供養

盧義基題字三段

盧義基爲亡妻周敬船

高一尺廣一寸  
一行字徑六分

盧義基爲亡妻

高六寸廣一寸  
一行字徑六分

盧義基爲亡高四寸五分廣一寸一分一行字徑六分下缺

盧基題字二段

盧基爲亡妻造供養高七寸廣一寸一分一行字徑六分

盧基爲亡高五寸廣一寸一分一行字徑六分下缺

盧基或即盧義基單舉一字

右造象在洞外東壁者五種在洞內北壁者二十三種在洞內南壁者二種每種五六字至廿餘字不等內有妻字作妻及稱清信女皆與隋張洪亮造象記同遂據此附於隋末此亦段赤亭親至五峰掙得之皆嚮未箸錄者山左金石志



山左金石志載此三十種訪碑錄稱大像主鍾崔等五十四人造象今收得四十六段凡四十七人以筠清館校之未得者鍾崔二種房君備胡孝徹尼目尙尼智相尙像主智尙比邱尼藏大川各一種也書字頗似唐人內有張智珉者命名不避偏旁諸家皆附隋末從之

楊顯等造象記

高三尺一寸廣一尺六寸五分記文十三行行十一字字徑六分題名共十二行字不等俱正書在洛陽

夫靈宗空寐非□□□□□□□□原□求□□□□□□

□□其坼是以大□□□□□於□林道容夢感於昌□佛

弟子楊顥□□□□長□歲□悟世非□□□□

□□□□崇神□□□□天宮像□□□□

志□□□成就□合□□夷□表□□君□七百

之□□□子來之□使真容□□□谷無□□刊石流

名永隆万代□大慈應顯威神魏魏□音流布開則歸

依放光□地演說山□以上在佛象下方

佛弟子故人楊興息武豚供養

佛弟子楊惠豚供養佛時邑師比邱道文以上在中間佛象右

清信女佛弟子衛祭□和供養邑師比邱僧度

清信女故人張□姜衛真姬侍供養以上在中間佛象左

□□顯息默奴供養佛時□□楊仙暉□□侍佛

都邑主楊□奴字暉宗供養佛時以上在右旁  
佛像之左

比丘僧□□下□□女楊□□供□以上在左旁  
佛像之右

第一輪主薛和□邑子<sub>下</sub>

缺

第一輪主提胡□此二行在右旁  
佛像之下方

第三輪主王荷女

第三輪主張羊女

邑子衛什好

□□衛□□此四行在左旁  
佛像之下方

右楊顯造象記在洛陽存古閣中列佛象一龕記

文在其下方字多剝蝕左右各列佛像二小龕象  
旁及下方均有題名字帶隸法必是唐以前刻補  
訪碑錄列入北齊未審其詳

李迥進造象殘石

高存四寸三分廣四寸入分座背及兩側題字十四  
行行字不一字徑四分正書直界格在太倉錢氏

缺

威

缺

歡

缺

通

此四行  
在左側

缺

昌

缺

子

缺

祿子

策

進妻關吳

缺

賈失雙

婁薛

缺

貴

李雙熊

林母房洪奴

缺

次丁未為弟子李迥進

缺

所生父母曰綠

屬

屬

缺

像

龍花毛迥珍未出

缺

月十五日

立

立

立

右李迴進造象殘石象燬於火僅存半截舊藏漢陽葉氏今爲吾甥伊臣所得紀元已闕要爲六朝時物無疑迨字不可識

可緣造象題字

象座中空文刻匡上第一行五字餘皆一字一行字徑二分正書

父母造像一區可緣供養等成正覺

可緣當是僧名不見年月或在兩側失拓也

比邱法顏等造象題名

高四尺二寸廣一尺二寸五分五層佛象一層題名四行供養象三層題名共十三行下層畫車馬題名兩行行字不一字徑寸許正書

比邱

沙弥

法顏

僧樹

以上弟  
二層

比邱

僧明

一心  
以上弟  
一層

曾祖□□郡功曹□陽令供養

姪女華容一心

嬭齊迴供養 嬭魏阿女供養

妻梁咨訓供養

母參軍好供養

妻魏小姬供養

曾祖親鞏豐美

嬭馮醜多供養

祖親魏迴香一心

姪女阿容供養

右弟  
三層

□貧女供養

右弟  
四層

姪明達乘馬

息純陔乘馬

以上弟  
五層

右比邱法顏等造象未詳所在內有妻梁咨訓妻  
魏小姬兩題則造象者似非比邱然不見姓氏姑  
以比邱法顏題之補訪碑錄載有比邱法顯等造  
象云天和二年十一月十六日前有許桃攀劉聰  
明等侍佛象此刻顏字半涉曼患豈即法顯造象  
失拓前半邪參軍好似複姓參軍

屠羅口屠終悖等造象殘石

存高七寸七分廣一尺十行行字  
不一字徑七分正書在濰縣陳氏

缺 菩薩光 缺

眉 羅 □ □ 缺

眉 終禧 □ 缺

孫 長命 孫 缺

眉 見禧

孫 思文 缺

李 領表 孫 缺

眉 菩提

衛 懷則



宋仲□

孫輔賢等造象題名

上缺高一尺一寸廣二尺十入  
行行字不一字徑六七分正書

子孫輔賢息法募嵩遠

子段法頭孫領眾孫□妙

子孫平國包子孫思和

中將軍王達

阿輔

阿保

起包子孫頭和

珍包子□歡 衆

初勝包子趙顯和

表死函包子趙□□

石泐

兩行

上泐□□息泐

泐□守

休浴□高主包子□輔雋

包子俱安與包子劉朝顯

中散別將孫顯慶息孝遠

野將軍殿中司馬觀臺族正孫□妙

書刻艸艸拓亦未全姑就所見錄之浴疑即浴

李咎奴等造象記

高二尺三寸廣一尺象龕下記廿三行行二字供養  
象旁下題名六行下方題名廿行行字不一字徑四分正  
書

□□象□區上為□□□□□□母曰綠養屬師

徒□劫一切眾生□□□□□□上會弥勒□世下缺

大□□□□□大象主□□大化主李顯樹□□

象主李咎奴 都台主□安龍 淨光主齊益恩 行在

供養 象旁

□□□□□ 包子王方 包□□□□ 包子□□□ 包

子□□ 包子□□□□ 包子麗□□ 包子□□□□

包子□□女 □□□□□□ □□齋口 包子□

□□ 包子□□□□ 包□□□□□ 包子□□ 包子

□□ 包子□□□□ □子若□ □子□□□ 包子泐

上廿行  
在下方

右刻大象龕上又有六小龕旁有題名五行曼患

無一字可辨似有比邱尼字大龕左右似亦尙有

題名記文不見年月姓氏疑拓未全或四面象之

一也題名姓氏全者惟李咎奴查益恩二人即以

象主李咎奴標題之

艾磨提等造象題名

高八寸廣五寸八分題名  
二行字徑六分許正書

清信艾磨提

清妹李阿睇

右刻僅見供養象二區中列題名二行當是未全  
之本或餘者畫象無字邪

八瓊室金石補正卷二十八終